

四庫全書

史部

欽定四庫全書

史部

欽定續文獻通考卷六十二

編修<sub>臣</sub> 翟槐履 勘

總校官內閣中書臣孫溶

欽定四庫全書

欽定續文獻通考卷六十一

職官考

諸路將官

臣等謹按馬端臨考諸路將官有都統副都統  
制都總管副總管都副鈐轄兵馬都監州都監等  
既詳載之矣今考都副總管等詳總管門餘從職  
官志補其所未詳者具列於左

宋哲宗紹聖三年詔諸路將副序位在路分都監之下  
徽宗大觀三年詔帥府無路分鈐轄望都無路分都  
監者許置一人其餘添置處任滿不差人宣和二年  
虔州添置都監一人高宗建炎初分置帥府以諸路  
帥臣兼要郡守帶兵馬鈐轄次要郡帶兵馬都監並  
以武臣為之

馬端臨考作建炎三年事所載亦小異

副稱副總管副鈐

轄副都監許以便宜行軍馬事辟置僚屬依帥臣法

屯兵皆有等差

遼北面邊防官

諸軍都虞候司有都虞候奚王府

見部族官

大特哩衮司

大國舅司大詳衮司

俱見帳官

五院司六院司

俱見部族官

塔

斡爾司

未詳

諸部署有兵馬都部署副部署都監判官諸軍指揮使有都指揮使副使都監諸統軍司有都統軍使副

使都監等官

東京兵馬都部署司四軍都指揮使司

契丹奚漢渤海東京都統軍使司

東京都詳衮司雙寬司

保州都統軍司金吾營屬南面

銅州北兵馬指揮使

司 涑州南兵  
馬指揮使司

黃龍府兵馬都部署司

一作都  
監署司

黃龍府鐵驛軍詳穩

司咸州兵馬詳穩司有知咸州路兵馬事同知兵馬

事咸州紉將東北路都統軍使司有掌法官

道宗大  
安六年

置 按字書無紉字考續  
弘簡錄紉音沓遼東軍也

南京都元帥府凡南京諸司並隸之

西南面安撫使司都招討司五押招討司巡察司

詳安

撫司西南邊大詳衮司西南路詳衮司西南面伊喇

詳衮司山北路都部署司

又有知山北道邊境事官

金肅軍都部

置司南王府北王府王府山金司

一作山陰司署在金山之北

西北路招討司戍長司

詳安撫司門

西北路管押詳衮司

總領司

有總領西北路軍事官

領西北路十二班軍使司契丹

軍托歡軍舒魯軍禁軍奚王府錫里軍大小兩軍北

王府軍圖們軍羣牧軍宮分軍各詳衮司西北路金

吾軍西北路兵馬都部署司準都部署司統軍司禁

軍都統司西北部鎮撫司

兼掌西北諸部軍民有鎮撫西北部事官

黑水

河提轄司

在中京  
置

東北路兵馬詳衮司監軍馬司使

有管押東北  
路軍馬事官

東北

路女直詳衮司北女直兵馬司

在東京  
遠州置

東路兵馬都總管府

詳總管  
府門

東路都統軍使司遥里

等十軍都詳衮司又九水諸夷安撫使

見安撫  
使門

西南面節制司有節制西南諸軍事又有都統軍司

西路招討使司

見安撫  
司門

倒塌嶺塌西塌母城三節度

使司

詳節度  
使門

山西兵馬都統軍司西邊大詳衮司四



番都軍所

聖宗統和四年  
置授李繼冲

夏州管内番落使

統和四年  
置授

李繼

邊 倒塌嶺統事司

臣 等謹按遼史百官志諸京都虞候司各官乃上

京路諸司控制諸奚者也諸部署各官乃遼陽路

諸司控扼高麗者也黃龍府兵馬都部署司各官

乃長春路諸司控制東北諸國者也南京都元帥

府

詳元帥  
府門

乃備禦宋國者也西南面安撫使司各

官乃西京諸司控制西夏者也西北路招討司各

官乃西北路諸司控制諸國者也東北路兵馬詳  
衮司各官乃東北路諸司也東路兵馬都總管府  
各官乃東路諸司也西南節制各官乃西南邊  
諸司也西路招討使司各官乃西路諸司也概稱  
為北面邊防官吏稱其東接高麗南與梁唐晉漢  
周宋六代為勍敵北隣準卜珠巴克大國以十數  
西制西夏党項吐渾回鶻等強國以百數居四戰  
之區虎踞其間莫敢與櫻觀邊防官而制勝之雄

圖可見矣

又行軍官

詳行樞密院

南面邊防官

易州飛狐招安使兵馬司招撫司西南面招安使司

俱詳安撫司

五州都總管

互見總管府門

又有山後五州都管司

又五京都虞候司各有都虞候

臣等謹按百官志五京都虞候稱為京官今以北

面邊防內有此官名故附載之

金諸邊將掌提控部保將輪番巡守邊境正將副將部將各一人又有隊將

廊延九將慶陽十將臨洮十四將鳳翔十六將河東

三將並依此置

京東西南三路檢察司

宣宗興定四年置

掌檢察支散軍糧驗

軍戶實給均軍戶差役勸農種毋犯私殺馬牛私鹽酒

趨官有使副使

統軍司

河南山東陝西益都

督領軍馬鎮攝封陞分營衛視察奸

使一人紀綱庶務簽判司事副統軍判官各一人

世宗大定

九年又知事一人知法二人女直漢人各一

山東不設判官知法

以益都府知法益之

臣等謹按帝紀宣宗貞祐元年十月置招賢所四

年十月置官領招賢所事命內外官採訪有才識

勇畧能區畫防城者具以聞得實超任仍賞舉主

內員長才不為人所知者聽赴招賢所自陳十一

月諭皇太子京城提控官有以文資充者彼豈知

兵其速易之興定元年二月罷招賢所蓋其時軍  
旅倥傯或置或罷俱非定制又百官志者宣宗嘗  
置經畧司考帝紀貞祐二年八月罷經畧司而前  
此不載置於何時殆亦軍官而史臣失於踈耳

元諸路萬戶府為管軍官分上中下俱有達嚕噶齊萬  
戶副萬戶各一人

上萬戶府管軍七千以上中萬戶府管軍五千以上  
下萬戶府管軍三千以上其官皆世襲有功則升之

每府設經歷知事提控案牘各一人

其屬鎮撫司鎮撫二人蒙古漢人參用上千戶所管  
軍七百以上中千戶所管軍五百以上下千戶所管  
軍三百以上俱有達嚕噶齊千戶副千戶各一人又

彈壓二人蒙古漢人參用上百戶所百戶二人

蒙古漢人

各一人  
下百戶所百戶一人

元史百官志又有海道運糧萬戶府已詳轉運司

門

明總兵官副總兵叅將遊擊將軍守備把總無定員

總鎮一方者為鎮守獨鎮一路者為分守各守一城  
一堡者為守備與主將同守者為協守又有提督提  
調巡視備禦領班備倭等名

凡總兵副總兵率以公侯伯都督充之其總兵掛印  
稱將軍者雲南曰征南將軍大同曰征西前將軍湖  
廣曰平蠻將軍兩廣曰征蠻將軍遼東曰征虜前將  
軍宣府曰鎮朔將軍甘肅曰平羌將軍寧夏曰征西



將軍交趾曰副將軍延綏曰鎮西將軍

諸印仁宗洪  
熙元年制頒

其在薊鎮貴州湖廣四川及僭運淮安者不得稱將軍掛印宣宗宣德間又設山西陝西二總兵世宗嘉靖間分設廣東廣西貴州湖廣二總兵為四改設福建保定副總兵為總兵又添設浙江總兵神宗萬曆間又增設於臨洮山海熹宗天啟間增設登萊至莊烈帝崇禎時益紛不可紀而位權亦非復當日蓋明初雖叅將遊擊把總亦多有充以勲戚都督等官至

後則非然矣

鎮守薊州總兵一人

舊設穆宗隆慶二年改為總練兵事務兼鎮守駐三屯營

協守副總兵三人

東路副總兵隆慶三年添設駐建昌營管理燕河營臺頭營石門塞

山海關四路

中路副總兵萬曆四年改設駐三屯

營帶管馬蘭峪松棚峪喜峯口太平塞四路西路

副總兵隆慶三年添設駐石匣營管理

牆子嶺曹家寨古北口石塘嶺四路 分守叅將十

一人 曰通州叅將曰山海關叅將曰石門寨叅將曰燕河營叅將曰臺頭營叅將曰太平寨叅將曰

馬蘭峪叅將曰牆子嶺叅將曰古北口 遊擊將軍六

叅將曰石塘嶺叅將曰喜峯口叅將 人統領南兵遊擊將軍三人領班遊擊將軍七人坐

營官八人守備八人把總一人提調官二十六人

鎮守昌平總兵官一人

舊設副總兵又有提督武臣嘉靖三十八年裁副總兵以

提督改為鎮守總兵駐昌平城聽總督節制

分守叅將三人

曰居庸關叅將曰黃花鎮

叅將曰橫嶺口叅將

遊擊將軍二人坐營官三人守備十人提

調官一人

鎮守遼東總兵官一人

舊設駐廣寧隆慶元年令冬月移駐河東遼陽適中之地

調度防禦應援海州瀋陽

協守副總兵一人

遼陽副總兵舊為分守嘉靖四十五年改

為協守駐遼陽城節制開原海州險山瀋陽等處

分守叅將五人

曰開原叅將曰錦義

右叅將白海蓋右叅將曰寬莫堡叅將曰遊擊將軍八人守備五人

寧遠叅將曰寬莫堡叅將

坐營中軍官一人備禦十九人

鎮守保定總兵官一人

孝宗弘治十八年初設保定副總兵後改為叅將武宗正

德九年復為分守副總兵嘉靖二十年改為鎮守三十年改設鎮守總兵官萬歷元年令春秋兩防移駐浮圖峪遇有警移駐紫荊關以備入援

分守叅將四人

曰紫荊關叅將曰龍固二關叅

將曰馬水口叅將曰倒馬關叅將

遊擊將軍六人坐營中軍官一人

守備七人把總七人忠順官二人

鎮守宣府總兵官一人

舊設驛宣府鎮城

協守副總兵一人

副總兵舊亦駐鎮城嘉靖  
二十八年移駐永寧城  
分守叅將七人  
曰北路獨石馬營叅

將曰東路懷來永寧叅將曰上西路萬全右衛叅將  
曰南路順聖蔚廣叅將曰中葛峪堡叅將曰下西路

柴溝堡叅將  
曰南山叅將  
遊擊將軍三人坐營中軍官二人守備

三十一人領班備禦二人  
萬曆八年

鎮守大同總兵官一人  
舊設駐大協守副總兵一人  
同鎮城

舊為左副總兵萬曆五  
年去左字駐左衛城  
分守叅將九人  
曰東路叅將曰北路叅將

將曰中路叅將曰西路叅將曰北西路叅將曰井坪  
城叅將曰新坪堡叅將曰總督標左掖叅將曰威遠

城叅將萬  
曆八年革  
遊擊將軍二人入衛遊擊四人坐營中軍

官二人守備三十九人

鎮守山西總兵官一人

舊為副總兵嘉靖二十年改設駐寧武國防秋移駐陽方

口防冬移駐偏關

協守副總兵一人

嘉靖四十四年添設初駐偏關後移駐老營堡

分守叅將六人

曰東路代州左叅將曰西路偏頭關右叅將曰太原左叅將曰中路利民

堡右叅將曰河曲縣叅將曰北樓口叅將

遊擊將軍一人坐營中軍官一

人守備十三人操守二人

鎮守延綏總兵官一人

舊設駐鎮城

協守副總兵一人

定邊

右副總兵嘉靖四十一年添設分守安定鎮靖等處提調大牆及牆口等處

分守叅將六

人 曰孤山叅將曰東路右叅將曰西路左叅將 遊擊  
曰中路叅將曰清平叅將曰榆林保寧叅將

將軍二人入衛遊擊四人守備十一人坐營中軍官

一人

鎮守寧夏總兵官一人

舊設駐

協守副總兵一人

亦舊

設同駐

分守叅將四人

曰東路右叅將曰西路左叅將曰靈州左叅將曰北路平

虜城

遊擊將軍三人入衛遊擊一人

萬曆八年

守備三

人備禦領班二人

萬曆九年

坐營中軍官二人管理鎮

城都司一人領班都司二人

萬曆九年

管理水利屯田

都司一人

鎮守甘肅總兵官一人

舊設駐  
鎮城

協守副總兵一人

甘肅

左副總兵舊設嘉靖四十四年移  
駐高臺防禦隆慶四年回駐鎮城

分守副總兵一人

涼州右副

總兵舊設分守叅將四人

曰莊浪左叅將曰肅州右  
叅將曰西寧叅將曰鎮番

將遊擊將軍四人坐營中軍官一人守備十一人領

班備禦都司四人

鎮守陝西總兵官一人

舊駐會城後  
移駐固原

分守副總兵一

人

洮岷副總兵萬曆  
六年改設駐洮州

分守叅將五人

曰河州叅將曰  
蘭州叅將曰靖



虜叅將曰陝西叅將  
曰皆文西固叅將

遊擊將軍四人坐營中軍官二

人守備八人

鎮守四川總兵官一人

隆慶五年添設駐建武所

分守副總兵一

人

松潘副總兵舊設

協守叅將二人

曰松潘東路左叅將曰松潘南路右叅將

遊

擊將軍二人守備六人

鎮守雲南總兵官一人

舊設駐雲南府

分守叅將三人

曰臨元叅

將曰永昌叅將曰順蒙叅將

守備二人巡撫中軍坐營官一人

鎮守貴州總兵官一人

舊設嘉靖三十二年加提督麻陽等處地方職銜駐銅仁

府分守叅將二人

曰提督清浪右叅將曰提督川賁迤西左叅將

守備七人

巡撫中軍官一人

鎮守廣西總兵官一人

舊為副總兵嘉靖四十五年改設駐桂林府

分守

叅將五人

曰得梧左叅將曰柳慶右叅將曰永寧叅將曰思恩叅將曰昭平叅將

守備

三人坐營官一人

鎮守湖廣總兵官一人

舊設嘉靖十年罷十二年復設萬曆八年又罷十二年仍

復設駐省城

分守叅將三人

曰黎平叅將曰鎮寧叅將曰鄆陽叅將

守備十

一人把總一人

鎮守廣東總兵官一人

舊為征蠻將軍兩廣總兵官  
嘉靖四十五年分設駐潮州

府協守副總兵一人

潮州漳副總兵萬厝  
三年添設駐南澳

分守叅將七

人

曰潮州叅將曰瓊崖叅將曰雷廉叅將曰山東叅將曰西山叅將曰督理廣州海防叅將曰惠州叅

將

總兵遊擊將軍一人守備五人坐營中軍官二人

把總四人

提督狼山副總兵一人

嘉靖三十七年  
添設駐通州

鎮守江南副

總兵一人

舊係總兵官駐福山港後移駐鎮江儀真  
二處嘉靖八年裁革十九年復設二十九

年仍革三十二年改設副總兵  
駐金山衛四十二年移駐吳淞

分守叅將二人

曰徐州叅

將曰金山叅將 遊擊將軍一人 守備六人 鳳陽軍門中軍官

一人把總十三人

鎮守浙江總兵官一人

嘉靖三十四年設總理浙直海防三十五年改鎮守浙直

四十二年改鎮守浙江舊駐定海縣後移駐省城

分守叅將四人

曰杭嘉湖叅將曰寧

紹叅將曰溫處叅將曰金台嚴叅將

遊擊將軍二人 總捕都司一人 把

總七人

分守江西叅將一人

曰南贛叅將嘉靖四十年改設駐會昌縣

守備四

人把總六人

鎮守福建總兵官一人

舊為副總兵嘉靖四十二年改設駐福州

分守

叅將一人

曰南路叅將

守備三人把總七人坐營官一人

鎮守山東總兵官一人天啟中增設總督備倭都司

一人領薊鎮班都司四人又河南守備三人領薊鎮

班都司四人

總督漕運總兵官一人

成祖永樂二年總兵副總兵統領官運海運後海運罷專

督漕運共宗天順元年又令兼理河道

協同督運叅將一人

天順元年設

把

總十二人

南京二江南直隸二江北直隸二中都一浙江二山東一湖廣一江西一

欽定四庫全書

欽定續文獻通考

卷六十一

十四

都指揮使司掌一方之軍政各率其衛所以隸於五府而聽於兵部都指揮使一人同知二人僉事四人行都指揮使司設官與指揮使司同

其屬經歷司經歷都事斷事司斷事副斷事吏目各一人司獄司司獄倉庫草場大使副使各一人

凡都司並流官或得世官歲撫按察其賢否五歲考選軍政而廢置之都指揮使及同知僉事常以一人統司事曰掌印一人練兵一人屯田曰僉書巡捕軍

器漕運京操備禦諸雜務並選充之否則曰帶俸凡  
備倭守備行都指揮事者不得建牙陞公座凡朝廷  
吉凶表箋序銜布按二司上經歷都事典文移斷事  
理刑獄

明初置各行省行都督府設官如都督府又置各都  
衛指揮使司洪武四年置各都衛斷事司以理軍官  
軍人詞訟又以都衛節制方面職係甚重從朝廷選  
調不許世襲七年置西安行都衛指揮使司於河州

八年十月詔各都衛並改為都指揮使司凡改設都

司十有三

燕山都衛為北平都司西安都衛為陝西都司太原都衛為山西都司杭州都衛為

浙江都司江西都衛為江西都司青州都衛為山東都司成都都衛為四川都司福州都衛為福建都司

武昌都衛為湖廣都司廣東都衛為廣東都司廣西都衛為廣西都司定遠都衛為遼東都司河南都衛

為河南

行都司三

西安行都衛為陝西行都司大同都衛為山西行都司建寧都衛為

福建行都司

十五年置貴州雲南二都司後以北平都司

為北平行都司永樂元年改為大寧都司宣德中增

置萬全都司計天下都司凡十有六

十三省都司外有遼東大寧萬



全三都司 又於建昌置四川行都司於鄖陽置湖廣行都

司計天下行都司凡五

明初又於各行省置都鎮撫司設都鎮撫副鎮撫知

事

吳元年改知事為提控案牘省注

洪武六年罷

衛指揮使司設官如京衛

外衛各統於都司行都司或留守司率世官或有流官凡襲替陞授優給優養及屬所軍政掌印僉書報都指揮使司達所隸都督府移兵部每歲撫按察其

賢否五歲一考選軍政廢置之凡管理衛事惟屬掌印僉書不論指揮使同知僉事考選其才者充之分理屯田驗軍營操巡捕漕運備禦出哨入衛戍守軍器諸雜務曰見任管事不任事入隊曰帶俸差操征行則率其屬聽所命主帥調度

所千戶所正千戶一人副千戶鎮撫各二人

其屬吏目一人所轄百戶所凡十共百戶十人總旗二十人小旗百人

其守禦千戶所軍民千戶所設官並同凡千戶一人

掌印一人僉書曰管軍千戶百戶有試有實授其掌

印恒以一人兼數印凡軍政衛下於所千戶督百戶

百戶下總旗小旗率其卒伍以聽令鎮撫無獄事則

管軍百戶缺則代之其守禦千戶所不隸於衛而自

達於都司凡衛所皆隸都司而都司又分隸五軍都

督府

浙江山東遼東都司隸左軍都督府 陝西四川廣西雲南貴州都司隸陝西四川行都司隸右

軍都督府

中都留守司河南都司隸中軍都督府

興都留守司湖廣福建江西廣東都司湖廣福建

行都司隸前軍都督府 大寧萬金山  
西都司山西行都司隸後軍都督府

明初置千戶所設正千戶副千戶鎮撫百戶又立各  
萬戶府設正萬戶副萬戶知事照磨尋以名不稱實  
遂罷萬戶府而設指揮使及千戶等官覈諸將所部  
有兵五千者為指揮使千人者為千戶百人者為百  
戶五十人為總旗十人為小旗

洪武二年置剋期千  
戶所運能疾行者二

百人以百  
戶額之

七年申定衛所之制先是內外衛所凡一

衛統十千戶一千戶統十百戶百戶領總旗二總旗

領小旗五小旗領軍十至是更定其制每衛設前後  
中左右五千戶所大率以五千六百人為一衛一千  
一百二十人為一千戶所一百一十二人為一百戶  
所每百戶所設總旗二人小旗十人二十年始命各  
衛立掌印僉事專職理事以指揮使掌印同知僉事  
各領一所士卒有武藝不嫻器械不利者皆責所領  
之官二十三年又設軍民指揮使司軍民千戶所計  
天下內外衛凡五百四十有七所凡二千五百九十

有三自衛指揮以下其官多世襲其軍士亦父子相繼為一代定制

諸府官

臣等謹按馬端臨考有京尹留守都廂郡太守尉丞等官今以留守詳留守司門都廂詳鎮戍關市等官門餘從各史志輯錄如左

宋南渡後置臨安府尹有知通簽推判官

府舊為杭州領浙西兵馬鈐轄建炎三年詔改為臨

安府其守臣令帶浙西同安撫使時置帥在鎮江府  
紹興駐驛臨安遂正稱安撫使置知府一人通判二  
人簽書節度判官廳公事節度推官觀察推官觀察  
判官錄事叅軍左右司理叅軍司戶司法叅軍各一  
人本府掌畿甸之事籍其戶口均其賦役頒其禁令

城外內分南北左右廂各置廂官以聽民之訟廂官

許秦辟京朝官親民資序人充後以分使臣十人以  
臣僚言罷城內西廂官惟城外置焉

緝捕在城盜賊立五酒務置監官以裕財分六都監

界分差兵一百四十八鋪以巡防烟火置兩總轄承  
就御前朝旨文字凡銜寶御批實封有所收索則供  
進凡省臺寺監監司符牒及管下諸縣及倉場等申  
到公事則受而理之凡大禮及國信隨事應辦祠祭  
共其禮料會聚陳其幄帟人使往來辦其舟楫皆先  
期飭於有司領縣九分士戶儀兵刑工六案內戶案  
分上中下案外有免役案常平案上下開折司財賦  
司大禮局國信司排辦司修造司各治其事孝宗乾



道七年皇太子領尹事置少尹一人日受民詞以白  
太子間日率僚屬詣宮稟事置判官二人推官三人  
九年皇太子解尹事臨安府知通簽判推判官並依  
舊置既據保義郎趙禮之狀臨安府依條合置兵馬  
監押一人經任監當四人初任監當闕一人昨皇太  
子領府尹更不差注今既辭免乞將宗室添差員闕  
依舊從之淳熙三年詔罷備攝官惟緝捕使臣十二  
人聽候差使六人許令辟置寧宗嘉泰四年詔臨安

府添差不釐務總管路鈐二十人州鈐轄路分都監  
副都監二十人正副將十五人安撫司準備將領十  
五人州都監以下十人共以八十人為額尋減總管  
路鈐五人開禧三年復省罷總管路分共六人

臣等謹按宋史職官志又載河南應天府官有牧

尹少尹司錄戶曹法曹士曹尹以下掌同開封府

尹闕則置知府事一人

以郎中以上充二品以上  
曰判府次府及節度州軍

此通判一人

以朝  
官充

判官推官各一人

或以京朝  
官簽書

使

院牙職左右軍巡悉同開封而主典以下差減其

數戶曹通掌府院戶籍考課稅賦法曹專掌讞議

士曹或蔭叙起家不常置

諸州府同至道初罷司理院州置司士取官吏

強慢者為給簿尉奉

助教有特恩而受者不釐務蓋指南渡

以前言之故馬端臨考亦畧而不詳又有次府牧

尹少尹司錄戶曹法曹士曹司理文學助教牧尹

以下所掌並同開封

真宗大中祥符八年以楚王為興元牧其後又為京兆江

陵牧自餘無為者

尹闕則知府事一人

必朝官及刺史以上或諸司使充

通判一人

以京朝官充太祖乾德初置統治單州之政事得專遠與長火均禮大藩或置

兩人戶少事簡有不置者正刺史以上州知州雖小處亦特置

使院牙執事並同

前不知馬端臨考何以不載特附錄於此

遼南面大蕃府官有知府事同知府事府判官

遼史百官志止載黃龍興中兩府有之

金諸府

謂非兼總管府事者其兼領總管府者已詳都總管門

尹同知少尹各一

人府判一人掌紀綱衆務分判吏戶禮案事專掌通檢

推排簿籍推官一人掌同府判兵刑工案事又有知法

一人

元散府

共大路都總管府即京尹之職已詳都總管門

達魯噶齊一人知府或

府尹一人領勸農鄂囉與路同知判官推官知事提控案牘各一人

所在有隸諸路及宣慰司行省者有直隸省部者有統州縣者有不統州縣者其制各有差等

諸州

世祖中統五年併立州縣未有差等至元三年定一萬五千戶之上者為上州六千戶之上者為中

州六千戶之下者為下州江南既平二十年又定其地五萬戶之上者為上州三萬戶之上者為中州不及三

欽定四庫全書

欽定續文獻通考

卷六十一

三

萬戶者為下州於是升縣為州者四  
十有四縣戶雖多附路府者不改

上州達嚕噶齊尹

同知判官中下州達嚕噶齊知州同知判官兼捕盜之

事叅佐官上州知事提控案牘各一人中州吏目提控

案牘各一人下州吏目一人

或二人

諸軍唯邊遠之地有之各統屬縣其設官如下州

明順天府府尹府丞治中各一人通判六人推官儒學

教授訓導各一人其屬經歷司經歷知事照磨所照磨

檢校各一人所轄宛平大興二縣知縣各一人縣丞二

人主簿無定員典史司獄司司獄都稅司大使副使各

一人宣課司

凡四正陽門外正陽門張家灣盧溝橋

稅課司

凡二安定門外安定門

各大使稅課分司

凡二崇文門德勝門

各副使一人遞軍所批驗

所各大使各一人

府尹掌京府之政令宣化和人勸農問俗均貢賦節

征徭謹祭祀閱實戶口糾治豪強隱恤窮困疏理獄

訟務知百姓之疾苦歲立春迎春進春祭先農之神

月朔望早朝奏老人坊廂聽宣諭孟春孟冬率其僚

屬行鄉飲酒禮凡勲戚家人文引每三月一奏市易  
平其物價遇內官監徵派物料雖有印信揭帖必補  
牘面奏若天子耕藉行三推禮則奉青箱播種於後  
禮畢率庶人終畝府丞貳京府兼領學校治中叅理  
府事以佐尹丞通判分理糧儲馬政軍匠薪炭河渠  
堤涂之事推官理刑名察屬吏二縣職掌如外縣以  
近涖輦下故品秩特優

順天府即舊北平府洪武二年置北平行省九年改



為北平布政司皆以北平為會府永樂初改為順天

府十年升為府尹設官如應天府

順天府通判舊六人內一人管糧一

人管馬一人清軍一人管匠一人管河一人管柴炭  
嘉靖八年革管河管柴炭二人萬歷九年革清軍管

匠二人十一年復

設一人兼管軍匠

應天府府尹府丞治中各一人通判二人推官一人經歷知事照磨檢校各一人

洪武三年改應天府知府為府尹賜銀印

府知府一人同知通判無定員推官一人其屬經歷司

經歷知事照磨所照磨檢校司獄司司獄各一人

所轄別見

知府掌一府之政宣風化平獄訟均賦役以教養百姓每三歲察屬吏之賢否上下其考以達於省上吏部凡朝賀弔祭視布政使司直隸府得專達凡詔赦例令勘劄至謹受之下所屬奉行所屬之政皆受約束於府劑量輕重而令之大者白於撫按布按議允乃行凡賓興科貢提調學校修明祀典之事咸掌之若籍帳軍匠驛遞馬牧盜賊倉庫河渠溝防道路之

事雖有專官皆總領而稽覈之同知通判分掌清軍

巡捕管糧治農水利屯田牧馬等事無常職

各府所掌不同

如延安延綏同知又兼牧民餘不盡載

無定員

邊府同知有增至六七員者

推官理

刑名贊計典

各府推官洪武三年始設

經歷照磨檢校受發上下

文移磨勘六房宗卷

明初改諸路為府洪武六年分天下府三等糧二十

萬石以上為上府二十萬石以下為中府十萬石以

下為下府七年減北方府州縣官三百八人十三年

選國子學生二十四人為府州縣官六月罷各府照  
磨二十七年復置自宣德三年棄交趾布政司計天  
下府凡一百五十有九

州知州一人同知通判無定員

里不及三十而無屬縣  
裁同知判官有屬縣裁

同知其屬吏目一人

所轄  
別見

知州掌一州之政凡州二有屬州有直隸州屬州視  
縣直隸州視府而品秩則同同知判官俱視其州之  
事繁簡以供厥職計天下州凡二百三十有四

諸縣官

宋寧宗嘉定十二年詔兩經作令滿替者實歷九考有政聲無過犯舉員及格改官人特免再作知縣許受簽判或幹官以當知縣履歷

縣丞

詳馬端臨考

主簿

凡批銷必親書押不許用手記仍不許差出以防銷注

尉

嘉定

十三年詔極邊縣尉獲盜酬賞班改歲以二人為類

遼縣官有令丞主簿尉

遼史百官志曰五京諸州屬縣見地理志

金赤縣

謂大典  
宛平

令一人掌養百姓按察所部宣導風化

勸課農桑平理獄訟捕除盜賊禁止游惰兼管常平倉

及通檢推排簿籍總判縣事丞一人掌貳縣事主簿一

人掌同縣丞尉四人專巡捕盜賊餘縣置四尉者同此

次赤縣

又曰  
劇縣

令丞主簿尉各一人諸縣設官同

凡縣二萬五千戶以上為次赤為劇二萬以上為次

劇在諸京倚郭者曰京縣自京縣而下以萬戶以上

為上三千戶以上為中不滿三千為下中縣而下置

丞以主簿與尉通領巡捕事下縣則不置尉以主簿  
兼之

金史百官志曰宣宗興定元年行辟舉縣令法以  
六事考之一曰田野闢二曰戶口增三曰賦役平  
四曰盜賊息五曰軍民和六曰詞訟簡六事俱備  
為上等升職一等兼四事者為中等減二資歷其  
次為下等減一資歷否則為不稱截罷而降之平  
常者依本格

元諸縣

至元三年合併江西北州縣六千戶之上者為上縣二千戶之上者為中縣不及二千戶者為下

縣二十年又定江淮以南三萬戶之上者為上縣一萬戶之上者為中縣一萬戶之下者為下縣

上縣

達嚕噶齊尹丞簿尉各一人典史二人中縣不置丞餘

悉如上縣之制下縣置官如中縣民少事簡之地則以

簿兼尉後又別置尉尉主捕盜之事別有印典史一人

宛平縣達嚕噶齊尹各一人丞主簿各三人尉一人

典史三人

大興縣達嚕噶齊尹丞各一人主簿二人尉一人典



史三人

至元十一年置宛平治大都麗正門以西大興治大都麗正門以東

元史百官志宛大二縣屬管領諸路打捕鷹房總

管府

明縣

大興宛平二縣已見前

知縣縣丞主簿各一人其屬典史一

人

所轄別見

知縣掌一縣之政凡賦役歲會實征十年造黃冊以

丁產為差賦有金穀布帛及諸貨物之賦役有力役  
雇役借債不時之役皆視天休咎地理豐耗人力貧  
富調劑而均節之歲歉則請於府若省蠲減之凡養  
老祀神貢士讀法表善良恤窮乏稽保甲嚴緝捕聽  
獄訟皆躬親厥職而勤慎焉若山海澤藪之產足以  
資國用者則按籍而致貢縣丞主簿分掌糧馬巡捕  
之事典史典文移出納如無縣丞或無主簿則分領

丞簿職

縣丞主簿添革不一若編戶不及二十里者並裁

吳元年定縣三等糧十萬石以下為上縣六萬石以下為中縣三萬石以下為下縣凡新授郡縣官給道里費洪武元年徵天下賢才為府州縣職救命厚賜以勵其廉恥又勅諭之至於再三十七年定府州縣條例八事頒示天下永為遵守是時天下府州縣官廉能正直者必遣行人齎勅往勞增秩賜金仁宣之際猶然英憲而下日罕自後益重內輕外此風絕矣計天下縣凡一千一百七十有一

諸學校官

遼南面五經學官博士助教各一人

道宗清寧五年詔設學養士頒經及傳疏置官如上

百官志上京中京學俱別有國子監南京學亦曰

南京太學太宗置東西京則第曰學而已

大蕃府學

黃龍興中兩府各有學

各州學

或屬觀察使或屬團練使或屬防禦使或

屬州判史各縣學皆有博士助教

金諸府教授一人

諸節鎮州教授一人

諸防禦州州教授一人

元儒學提舉司

各處行省所署之地皆置一司

統諸路府州縣學校祭

祀教養錢糧之事及考校呈進著述文字每司提舉副  
提舉吏目各一人

又蒙古提舉學校官提舉同提舉各一人至元十八  
年置惟江浙湖廣江西三省行之餘省不置

大都路提舉學校所提舉一人教授學正各二人學

錄一人

左都威衛使司教授二人

仁宗延祐二年置

右都威衛使司儒學教授一人

延祐二年置

蒙古教授一

人四年增

右欽察衛儒學教授一人

武宗至大四年置

蒙古教授一人

延祐四年置

左欽察衛教官儒學教授一人

龍翊侍衛親軍都指揮使司教官二蒙古字教授一

人儒學教授一人

諸路學校官路設教授學正學錄各一人散府及上中州教授一人下州學正一人縣教諭一人書院山長一人

臣等謹按元史選舉志謂世祖中統二年始命置諸路學校官凡師儒之命於朝廷者曰教授命於禮部及行省及宣慰司者曰學正學錄教諭山長而百官志未載今補之

明儒學府教授一人訓導四人州學正一人訓導三人  
縣教諭一人訓導二人

教授學正教諭掌教訓所屬生員訓導佐之凡生員  
廩膳增廣府學四十人州學三十人縣學二十人附  
學生無定數儒學官月課士子之藝業而獎勵之凡  
學政遵卧碑咸聽於提學憲臣提調府聽於府州聽  
於州縣聽於縣其殿最視鄉舉之有無多寡

明初置儒學提舉司洪武二年詔天下府州縣皆立



學三十一年詔天下學官改授旁郡州縣正統元年

始設提督學校官有都司儒學

洪武十七年置遼東始

行都司

儒學

洪武二十三年置北平始

衛儒學

洪武十七年置岷州衛二十三年置大寧等衛始

以教武臣子弟俱設教授一人訓導二人河東又設都轉運司儒學制如府其後宣慰安撫等土官俱設儒學

武學京衛武學教授訓導各一人衛武學教授一人訓導二人或一人掌教京衛各衛幼官及應襲舍人與武

生以待科舉武舉會舉而聽於兵部其無武學者凡諸武生則隸儒學

建文四年始置京衛武學設教授一人啟忠等十齋各訓導二人永樂中罷正統六年復設後漸置各衛武學設官如儒學之制

巡檢

宋都巡檢使有都巡檢巡檢州縣巡檢等官

南渡後分置

餘詳馬端臨考

遼北而邊防官西南而巡檢司官有巡檢同巡檢西北  
路亦有巡檢司

南面邊防官有巡檢使司官有使

景宗保寧中見耶律和卓為巡檢司

金中都都巡檢司

東北一人通州置司分管大興瀋陰昌平通順薊盈  
州界盜賊事西南一人良鄉縣置司分管良鄉宛平  
安次永清縣并涿易州界盜賊事

諸州都巡檢使副都巡檢使各一人

右宿泗唐鄧蔡亳陳潁德華河隴秦等州并西北路

依此置餘不加使字

散巡檢

內泗州以管勾排岸兼之

皆設副巡檢一人為之佐

右地險要處置司

唐鄧宿泗潁壽蔡等州及緣邊二十五處置大定二十二年廣寧府

大斧山置巡檢司章宗明昌五年并蔡州劉輝村置巡檢

臣等謹按宣宗紀元光二年八月遣官分行蔡息

陳亳唐鄧裕諸州凡民丁相聚立砦避兵與各處

檢相依者五千戶以上置砦長一人萬戶增副一人仍先遷一官能安民弭盜勸農者論功注授乃一時所特設也

元大都東關廂巡檢司掌巡捕盜賊姦宄之事巡檢三人

至元二十一年置西北南關廂巡檢司設置並同又

有香河等處巡檢司

詳尚供總管府內

諸巡檢司巡檢一人

明巡檢司主緝捕盜賊盤詰姦偽凡在外各府州縣關  
津要害處俱設巡檢副巡檢俾率徭役弓兵警備不虞  
洪武二年以廣西地接徭獍始於關隘衝要之處設  
巡檢司以警奸盜後遂增置各處十三年二月特賜  
勅諭之尋改為雜職

明史職官志曰巡檢設官各府州縣有無多寡不  
同

鎮戍關市官

宋置鎮砦官

諸鎮置於管下人烟繁盛處設監官管火禁或兼酒稅之事若置於險扼控禦去處設砦官招收士軍閱習武藝以防盜賊

以上所載與馬端臨考所載鎮戍關市官正同而此較詳焉故錄之

金諸知鎮知城知堡知寨

潼關關使兼譏察官掌關禁譏察姦偽及管鑰啟閉副

譏察掌任使之事

居庸紫荆通會會安四關及他關皆設使

大慶關管勾河橋官兼譏察事一人掌解繫浮橋濟渡  
舟楫巡視河道修完埽岸兼率埽兵四時功役栽植榆  
柳預備物料譏察姦偽等事同管勾一人

臣等謹按百官志又有九鼎大陽津渡惟置譏察

官一人孟津渡譏察一人掌譏察姦偽副譏察一

人又有管勾泗州兼排岸巡檢

互見巡檢門

附錄於此



提舉譏察使副使

陝西一人  
河南一人

南遷後陝西置於秦州河南置於唐鄧息壽泗五州  
又有沿淮譏察使

臣等謹按哀宗紀天興二年六月帝入蔡州八月

設四隅譏察官亦一時特設耳

提舉秦藍兩關提舉同提舉又有提舉三門集津南北  
岸

俱南遷後置

市令司掌平物價度量權衡之違式百貨之估直

惟中都置令一人

南遷後以左右警使兼

丞一人

元各處托克托和斯掌辦使臣姦偽正副各一人

明驛丞典郵傳迎送之事凡舟車夫馬廩糶庖饌裊帳視使客之品秩僕夫之多寡而謹供應之支直於府若州縣而籍其出入

各府州縣有無多寡不同

部族屬國官

臣等謹按馬端臨考不列部族屬國官今考遼史云古者天子巡守方岳五服之君各述其職遼之部族官似之則此官之繫於遼者綦重也金亦有部族官具如左

遼北面約尼九帳大常袞司掌約尼可汗九世宮分之

事有大常袞亦曰約尼太師太保太尉司徒司空侍中一作

世燭太宗會同元年置又有敝史知事

太祖受位於約尼以九帳溫汗蘇爾威汗和拉汗汗蘇克汗森濟汗北古汗伊蘭

汗巴世汗哈陶  
津汗凡九世

居皇族一帳之上設常袞司以奉之

有司不與焉

又約尼帳節度司

詳節度使司門

約尼札詳袞司官有約尼

札詳袞都監將軍小將軍又約尼尅官名未詳

臣等謹按百官志謂太祖有帝王之度者三代約

尼氏尊九帳於御營之上

遠俗東嚮而尚左御營  
東嚮約尼九帳南嚮故

云一也滅渤海國存其族帳亞於約尼二也併奚

王之衆撫其帳部擬於國族三也又謂凡十二宮

五京皆太祖以來征討所得非受之於約尼而待  
先世之厚有如此

渤海帳司官制未詳有渤海宰相太保塔瑪近侍詳袞  
司

奚王府伊實王府

並見部族官

部族官

大部族有大王

本名額爾奇木

左右宰相太師太保太尉司

徒

本名特哩衮

節度使司

詳節度使門

詳衮司有詳衮都監將

軍小將軍錫里

也縣

有錫里額爾奇木錫里瑪爾布

亦曰

馬步本名錫里達爾罕

錫里伊埒穆爾

也鄉

有錫衮

木曰穆特布

小部族有司徒府司徒司空又節度使司

見節度使門

詳

衮司又錫里有令衮瑪爾布伊埒穆爾有錫衮

五院部

即北大院

有知五院事六院部

即南大院

有知六

院事伊實部

即伊實王府

有伊實府都右稜節度使司奚

六部

即奚王府

有二詳衮二宰相又有托里太尉有奚六

部漢軍詳袞有奚伊喇詳袞有先離達蘭官

臣等謹按以上四大王府乃所為大部族也若以

下諸部凡五十具如左

又有丕勒部卓特部威部聶呼部圖嚕卜部圖吉部  
圖嚕卜室韋部納喇諾觀部德呼勒達勒達部伊實阿  
爾威部卓特阿爾威部丕勒達嚕嚕部烏爾古聶呼  
部圖嚕部薩拉嚕部揚珠部諾延昭部鄂博庫部特  
哩特默部刷部哈準部約囉部伯特部綽里特部敖

拉部南尅部北尅部烏延突厥部阿雅突厥部納喇  
永安部阿雅女直部伊德女直部額圖瑛烏古部達  
魯特迪里部室韋部珠展達嚕嚕部默古斯部吉達  
部北迪里部龜奇特唐古部北唐古部南唐古部和  
拉唐古部河西部色克圖部巴爾斯布古德部塔瑪  
布古德部五國部

臣等謹按遼史營衛志太祖析九帳三房之族更  
列二十部則自圖嚕部以上十四部併四大王府



及巴哩伊實已二國舅帳是也聖宗分置十有八  
即五國部以上三十四部是也并舊為五十四部  
而百官志所載則以約囉伯特綽里特敖拉南尅  
北尅六部列於納喇部之次又多一托輝部其室  
韋部則分大黃小黃二志之不同如此今從營衛  
志纂輯

屬國屬部官

其制官大者擬王封小者准部使仍命其酋長與契

丹人區別而用考其可知者具如左

屬國有大王于越左右相特哩袞

亦曰司徒

太師太保司

空

木名達林

諸部節度使司有使副使諸國詳袞司有詳

袞都監將軍小將軍

臣等謹按百官志大部職名並同屬國諸部職名

並同部族其以諸國稱者則曰王府大王府單于府郡王西平王府凡七十有八以大部稱者皆曰大王府凡八以諸部稱者但曰部凡六十有一云

金諸部族節度使

詳節度使門

諸乂詳袞掌守戍邊堡餘同穆昆有詳袞一人

百官志曰皇統八年六月設本班左右詳袞默濟

格一人掌貳詳袞

諸額爾奇木司分掌部族村寨事有額爾奇木一人

諸圖哩掌部落詞訟訪察違背等事有圖哩一人

僧道官

臣等謹按馬端臨考無所謂僧道官考宋史僧志

言等道賀蘭棲真等見方伎傳非官也職官志有云舊制五岳四瀆東海南海諸廟各置令丞廟之政令多統於本縣命京朝知縣者稱管勾廟事或以令錄老耄不治者為廟令判司簿尉為廟簿掌葺治修飾之事

凡以財施於廟者籍其名數而掌之

似近於今神樂

觀之提點知觀然非僧道也遼史內并不見有釋道其可見者惟契丹國志四月初八為佛誕日僧尼道士行城為樂而已金史禮部內附載凡僧尼

道士女冠三年一試所差之官有僧官二人道官  
一人亦不詳僧道官之制度員數也若元史釋老  
傳則僧八思巴等尊為帝師道張宗演等尊為天  
師而設官之制亦未詳考百官志其有僧俗並用  
者已見於宣政院門惟文宗紀有廣教總管府具  
列於左

元文宗至順二年二月立廣教總管府以掌僧尼之政  
總官則僧為之

府凡十六所

一京畿 一山後道 一河東 一山東 一石道 一遼東 一北道 一河南 一荆北道 一兩淮 一江北道

一湖北 一湖南 一浙西 一江東 一浙東 一福建 一江西 一廣東 一廣西 一兩海道 一燕南 一山東 一諸路

一陝西 一諸路 一甘肅 一諸路 一四川 一諸路 一雲南 一諸路 設達魯噶齊總管同知府

事判官各一人宣政院選流內官擬注以聞惟總管

則以僧為之

臣等謹按百官志順帝元統二年革罷廢教總管

府一十六處別置行宣政院於杭州則亦不踰兩

年而遂廢矣

明僧道錄司掌天下僧道在外府州縣有僧綱道紀等  
司分掌其事俱選精通經典戒行端潔者為之

僧錄司左右善世闡教講經覺義各二人道錄司左  
右正一演法至靈元義各二人府僧綱司都綱副都  
綱各一人州僧正司僧正一人縣僧會司僧會一人  
府道紀司都紀副都紀各一人州道正司道正一人  
縣道會司道會一人

洪武元年立善世元教二院四年革五年給僧道度

牒十五年始置官如上僧凡三等曰禪曰講曰教道  
凡二等曰全真曰正一隸禮部二十四年清理釋道  
二教限僧三年一度給牒凡各府州縣寺觀但存寬  
大者一所併居之凡僧道府不得過四十人州三十  
人縣二十人年非四十以上女年非五十以上者  
不得出家二十八年令天下僧道赴京考試給牒不  
通經典者黜之其後釋氏有法王佛子大國師等封  
號道士有大真人高士等封號賜銀印蟒玉加太常



卿禮部尚書及宮保銜至有封伯爵者皆一時寵幸  
非制也

神樂觀掌樂舞以備大祀天地神祇及宗廟社稷之祭  
隸太常寺與道錄司無統屬有提點知觀各一人

洪武十一年建神樂觀於郊祀壇西設官如上嘉靖

### 中草知觀

又龍虎山正一真人一人

洪武元年張正常入朝去  
其天師之號封為真人世

襲隆慶間草真人止  
稱提點萬曆初復之

法官贊教掌書各二人閣阜山

全史卷之六十一  
卷六十一

三茅山各靈官一人太和山提點一人

欽定續文獻通考卷六十一

欽定四庫全書

欽定續文獻通考卷六十二

職官考

臣等謹按馬端臨考自公族以及鎮戍關市等官  
後即繼以散官大率古者不任以事則置之散而  
後世以職為實以散為號岳氏愧郊錄既詳言之  
矣今考宋史南渡少所改革而遼史則無可考者  
若金元明則直以階為散具列於左

文散官

金文散官四十二階

從一品上曰開府儀同三司中曰儀同三司中次曰  
特進下曰崇進正二品上曰金紫光祿大夫下曰銀  
青榮祿大夫從二品上曰光祿大夫下曰榮祿大夫  
正三品上曰資德大夫中曰資政大夫下曰資善大  
夫從三品上曰正奉大夫中曰通奉大夫下曰中奉  
大夫正四品上曰正議大夫中曰通議大夫下曰嘉

議大夫從四品上曰太中大夫中曰中大夫下曰少

中大夫正五品上曰中議大夫中曰中憲大夫下曰

中順大夫從五品上曰朝請大夫中曰朝散大夫下

曰朝列大夫

舊曰奉德大夫海陵天德二年更

正六品上曰奉政大

夫下曰奉議大夫從六品上曰奉直大夫下曰奉訓

大夫正七品上曰承德郎下曰承直郎從七品上曰

承務郎下曰儒林郎正八品上曰文林郎下曰承事

郎從八品上曰徵事郎下曰從仕郎正九品上曰登

仕郎下曰將仕郎從九品上曰登仕佐郎下曰將仕

佐郎

此二階世宗大  
定十四年創增

臣等謹按馬端臨考載文散官特進下無崇進大  
夫階內無榮祿資德資政資善少中嘉議奉議奉  
訓等名而金有之則皆其所增置者也若前此有  
中散而無中議中憲中順且中奉在中大夫之下  
金乃列於前奉直在中散之後朝請之前金乃列  
於奉議下則皆其所添改者也郎階內前此有朝

議朝請朝散朝奉承議奉議通直宣毅宣議徵事  
給事承奉從事從政修職迪功等名金乃無之前  
此無承德承直承務承事從仕登仕將仕等名金  
乃有之則皆其所更定者也又百官內有正一品  
而官階自從一始亦與前後代異

元文散官四十二階

正一品曰開府儀同三司儀同三司特進崇進金紫  
光祿大夫銀青光祿大夫從一品曰光祿大夫榮祿

大夫正二品曰資德大夫資政大夫資善大夫從二

品曰通奉大夫正奉大夫中奉大夫正三品曰正議

大夫通議大夫嘉議大夫從三品曰太中大夫中大夫

夫亞中大夫

舊曰少中仁宗  
延祐時改亞中

正四品曰中議大夫中

憲大夫中順大夫從四品曰朝請大夫朝散大夫朝

列大夫正五品曰朝政大夫奉議大夫從五品曰奉

直大夫奉訓大夫正六品曰承德郎承直郎從六品

曰儒林郎承務郎正七品曰文林郎承事郎從七品



曰徵事郎從事郎正八品曰登仕郎將仕郎從八品  
曰登仕佐郎將仕佐郎

元史百官志曰右四十二階自一品至五品為宣  
授六品至九品為勅授勅授則中書署牒宣授則  
以制命之一品至九品者服紫六品至七品者服  
緋八品至九品者服綠武官以下皆如之其官常  
對品惟九品無散官則但舉其職而已武官雜職  
皆如之

臣等謹按元制大約與金同所不同者元以一品分正從乃金之正從二品而正二品至從八品即金之正三品至從九品特自八品而止耳

明文散官四十四階

正一品曰初授特進榮祿大夫升授特進光祿大夫  
從一品曰初授榮祿大夫升授光祿大夫正二品曰  
初授資善大夫升授資政大夫加授資德大夫從二  
品曰初授中奉大夫升授通奉大夫加授正奉大夫

正三品曰初授嘉議大夫升授通議大夫加授正議大夫從三品曰初授亞中大夫升授中大夫加授太中大夫正四品曰初授中順大夫升授中憲大夫加授中議大夫從四品曰初授朝列大夫升授朝議大夫加授朝議大夫正五品曰初授奉議大夫升授奉政大夫從五品曰初授奉訓大夫升授奉直大夫正六品曰初授承直郎升授承德郎從六品曰初授承務郎升授儒林郎

儒出

宣德郎

吏才幹

正七品曰初

授承事郎升授文林郎

儒出身

宣義郎

吏才幹出身

從七品

曰初授從仕郎升授徵仕郎正八品曰初授迪功郎  
升授修職郎從八品曰初授迪功佐郎升授修職佐  
郎正九品曰初授將仕郎升授登仕郎從九品曰初  
授將仕佐郎升授登仕佐郎

明會典曰自滌祿大夫至將仕佐郎凡九等十八  
級所除官員合得散官照依定制奏聞給授及選  
部付到在京各衙門實授官員及考功考過試職

一年堪用并三年稱職者合得初授升授散官具奏行移該衙門轉行給授

又曰凡白身人入仕并雜職人等初入流者與對品初授散官任內歷俸三年初考稱職與升授散官又歷俸三年再考功蹟顯著方與加授散官若考覈平常者止與初授其任內未經初考遷調改除者仍照見授職事與初授散官已經初考合得升授遷調改除仍係本等品級者照見授職事與

升授散官若升等者止與對品初授或有已經升授未經再考遷調改除仍係本等品級者照見授職事與升授散官已經再考合得加授遷調改除仍係本等品級者與加授散官若升等者止與對品初授其有先曾歷任二品三品等職今次降用若係有罪及闖茸不稱職貶降者照依見授職事與初授散官若量才任使不係貶降但今授職事比與原授降等其原授散官誥勅仍舊者亦照見

授職事與對品初授散官俱於三年之後照例升授其加贈一節考驗本人生前功蹟合得加授者照例給與

### 武散官

金武散官凡仕至從二品以上至從一品者皆用文資自正三品而下階與文資異

正三品上曰龍虎衛上將軍中曰金吾衛上將軍下曰驃騎衛上將軍從三品上曰奉國上將軍中曰輔

國上將軍下曰鎮國上將軍正四品上曰昭武上將軍中曰昭毅大將軍下曰昭勇大將軍從四品上曰安遠大將軍中曰定遠大將軍下曰懷遠大將軍正五品上曰廣威將軍中曰宣威將軍下曰明威將軍從五品上曰信武將軍中曰顯武將軍下曰宣武將軍正六品上曰武節將軍下曰武德將軍從六品上曰武義將軍下曰武畧將軍正七品上曰承信校尉下曰昭信校尉從七品上曰忠武校尉下曰忠顯校尉



尉正八品上曰忠勇校尉下曰忠翊校尉從八品上

曰修武校尉下曰敦武校尉正九品上曰保義校尉

下曰進義校尉從九品上曰保義副尉下曰進義副

尉

此二階大定十四年創增

王圻曰武散官與舊制甚異金所創也

元武散官三十四階

正二品曰龍虎衛上將軍金吾衛上將軍驃騎衛上

將軍從二品曰輔國上將軍鎮國上將軍奉國上將

軍正三品曰昭武大將軍昭勇大將軍昭毅大將軍  
從三品曰安遠大將軍定遠大將軍懷遠大將軍正  
四品曰廣威將軍宣威將軍明威將軍從四品曰信  
武將軍顯武將軍宣武將軍正五品曰武節將軍武  
德將軍從五品曰武義將軍武畧將軍正六品曰承  
信校尉昭信校尉從六品曰忠武校尉忠顯校尉正  
七品曰忠勇校尉忠翊校尉從六品曰修武校尉敦  
武校尉正八品曰保義校尉進義校尉從八品曰保

義副尉進義副尉

百官志曰右三十四階自龍虎衛上將軍至進義副尉由正二品至從八品其餘授具前

臣等謹案元之官階不應無正從一品殆亦從金之用文資耳此史之疎也

明武散官正從一品皆同文資自正二品至從六品二十六階與文資同

正二品曰初授驃騎將軍升授金吾將軍加授龍虎

將軍從二品曰初授鎮國將軍升授定國將軍加授  
奉國將軍正三品曰初授昭勇將軍升授昭毅將軍  
加授昭武將軍從三品曰初授懷遠將軍升授定遠  
將軍加授安遠將軍正四品曰初授明威將軍升授  
宣威將軍加授廣威將軍從四品曰初授宣武將軍  
升授顯武將軍加授信武將軍正五品曰初授武德  
將軍升授武節將軍從五品曰初授武畧將軍升授  
武毅將軍正六品曰初授昭信校尉升授承信校尉

從六品曰初授忠顯校尉升授忠武校尉

司天散官

金舊制司天翰林官自從七品而下止五階至熙宗天眷中定制自從四品而下立為二十五階

從四品上曰欽象大夫中曰正儀大夫下曰欽授大夫正五品上曰靈憲大夫中曰明時大夫下曰頒朔大夫從五品上曰雲紀大夫中曰協紀大夫下曰保章大夫正六品上曰紀和大夫下曰司元大夫從六

品上曰探賸郎下曰授時郎正七品上曰究微郎下  
曰靈臺郎從七品上曰明緯郎下曰候儀郎正八品  
上曰推策郎下曰司正郎從八品上曰校景郎下曰  
平秩郎正九品上曰正紀郎下曰挈壺郎從九品上  
曰司曆郎下曰司辰郎

元制司天散官一十四階

從三品曰欽象大夫正四品曰明時大夫頒朔大夫  
從四品曰保章大夫正五品曰司元大夫從五品曰

授時郎正六品曰靈臺郎從六品曰候儀郎正七品  
曰司正郎從七品曰平秩郎正八品曰正紀郎挈壺  
郎從八品曰司歷郎司辰郎

百官志曰右一十四階自欽象至司辰由從三品  
至從八品其除授具前

王圻曰司天散官從三品內元亦有正儀大夫史  
不載此階見於陶宗儀輟耕錄

臣等謹按明史職官志不載司天散官惟官則有

欽天監監正等詳官品門

醫散官

金太醫舊自從六品而下止七階天眷制自從四品而下立為二十五階

從四品上曰保宜大夫中曰保康大夫下曰保平大夫正五品上曰保頤大夫中曰保安大夫下曰保和大夫從五品上曰保善大夫中曰保嘉大夫下曰保順大夫正六品上曰保合大夫中曰保冲大夫從六



品上曰保愈郎下曰保全郎正七品上曰成正郎下  
曰成安郎從七品上曰成順郎下曰成和郎正八品  
上曰成愈郎下曰成全郎從八品上曰醫全郎下曰

醫正郎

王圻曰宋置翰林  
醫正金改醫正郎

正九品上曰醫效郎下曰

醫候郎從九品上曰醫痊郎下曰醫愈郎

元制太醫散官一十五階

從三品曰保宜大夫保康大夫正四品曰保安大夫  
保和大夫從四品曰保順大夫正五品曰保冲大夫

從五品曰保全郎正六品曰成安郎從六品曰成和郎正七品曰成全郎從七品曰醫正郎正八品曰醫效郎醫候郎從八品曰醫痊郎醫愈郎

百官志曰右一十五階自保宜至醫愈亦由從三品至從八品其除授具前

臣等謹按明史職官志不載醫散官惟官則有太醫院院使等詳官品門

又按馬端臨考文武散官後於宋則載宦者官名

凡十有二階謂唐宦者所歷散階與文官同祖宗  
立法不以內侍溷清流故自有階官五圻續通考  
如之亦載金元內侍階臣等前進續通典官品內  
列宦官銜秩仰蒙

聖訓以中官給事宮闈本非班聯有職掌命官可比其  
品秩自不宜與朝士齒已凜遵

指示槩從刪汰今續通考亦如其例存內侍省門以脩  
稽考以昭鑒戒而階秩則盡削之俾闈寺微賤不

得濫廁於縉紳云

教坊散官

古無其官故馬端臨考不載

金教坊舊用武散官大定二十九年以為不稱乃創定二十五階章宗明昌三年自從四品以下更立為二十五階

從四品上曰雲韶大夫中曰仙韶大夫下曰成韶大夫正五品上曰章德大夫中曰長寧大夫下曰德和

大夫從五品上曰景雲大夫中曰雲和大夫下曰協  
律大夫正六品上曰慶喜大夫中曰嘉成大夫從六  
品上曰肅和郎下曰純和郎正七品上曰舒和郎下  
曰調音郎從七品上曰比音郎下曰司樂郎正八品  
上曰典樂郎下曰協樂郎從八品上曰掌樂郎下曰  
和樂郎正九品上曰司音郎下曰司律郎從九品上  
曰和聲郎下曰和節郎

元制教坊散官一十五階

從三品曰雲韶大夫仙韶大夫正四品曰長寧大夫  
德和大夫從四品曰協律大夫正五品曰嘉成大夫  
從五品曰純和郎正六品曰調音郎從六品曰司樂  
郎正七品曰協樂郎從七品曰和樂郎正八品曰司  
音郎司律郎從八品曰和聲郎和節郎

百官志曰右一十五階自雲韶至和節由從三品  
至從八品其除授具前

臣等謹按明史職官志有教坊司無教坊散官之

名

勲官

金制勲一十二階

上柱國 正二品

柱國 從二品

上護軍 正三品

護軍 從三品

上輕車都尉 正四品  
輕車都尉 從四品

上騎都尉 正五品

騎都尉 從五品

驍騎尉 正六品

飛騎尉 從六品

雲騎尉 正七品

武騎尉 從七品

元制勲一十階

上柱國

品正一

柱國

品從一

上護軍

品正二

護軍

品從二

上輕車都尉

品正三

輕車都尉

品從三

上騎都尉

品正四

騎都尉

品從四

驍騎尉

品正五

飛騎尉

品從五

明制文勳一十階

左右柱國

品正一

柱國

品從一

正治上卿

品正二

正治卿

品從二

資治尹

品正三

資治少尹

品從三

贊治尹

品正四

贊治少尹

品從四

修正庶尹

品正五



協正庶尹

從五品

武勳一十二階

左右柱國

正一品

柱國

從一品

上護軍

正二品

護軍

從二品

上輕車都尉

正三品

輕車都尉

從三品

上騎都尉

正四品

騎都尉

從四品

驍騎尉

正六品

飛騎尉

從五品

雲騎尉

正六品

武騎尉

從六品

明會都曰凡文武官應合授勳者照散官定擬奏

聞給授

功臣

臣等謹按馬端臨考勲官後載功臣謂加功臣封號有推忠翊戴諸字始於唐德宗迄於宋中興後遼百官志無可考封爵雖偶見於史而品秩不詳金則有封爵七元則有爵八等明則爵與號俱有之

遼制封爵惟國王郡王國公三等率以漆水柳城混同  
蘭陵國名則屢進屢改有加至二國者

其初宗室與勲戚無異道宗太康五年十一月詔惟  
王子封一字王餘並削降其爵號大約採唐宋之制  
金制封爵

正從一品曰郡王曰國公正從二品曰郡公正從三

品曰郡侯正從四品曰郡伯舊曰縣伯章宗承安二年正五品

曰縣子從五品曰縣男

臣等謹按王圻續通考勲官後載爵秩而云遼金  
俱無考誤也考續弘簡錄趙天麟策金之官制自

宗王及國王郡王公以下為爵右七等外尚有封

一字王及國王者

互詳各門

凡封王大國號二十曰恒

舊為遼明昌二年以漢遼唐宋梁秦殷楚之類

皆昔有天下者之號不宜封臣下遂皆改之

邵

舊為梁

汴

舊為宋

鎬

舊為秦

并

舊為漢

益

舊為漢

彭

舊為齊

趙

舊為殷

譙

舊為楚

郢

舊為楚

魯冀豫

絳

舊為唐

兖鄂

舊為吳

夔

舊為蜀

宛

舊為陳

曹次國三十曰

涇

舊為隋

鄭衛韓潞幽潘岐代澤徐滕薛紀昇

舊為原

邢翼豐畢鄧鄆霍蔡瀛

按金格葛當在此

沂荆榮英壽温

舊為原

邢翼豐畢鄧鄆霍蔡瀛

按金格葛當在此

沂荆榮英壽温

小國三十濮遂

舊曰齊

道定景

後改為郟

申崇宿昔鄴莒

郟舒淄邾萊

舊為宋以避諱改

郟郟杞向管

舊曰郟宣宗興定元年改

密昨任載鞏蔣

士民須知云舊為葛

蕭莘芮封王之郡號十

金源廣平平原南陽常山太原平陽東平安定延

安凡白號之姓完顏溫特赫瓜尔佳圖們布薩珠

格伊埒圖沃呼旺扎卜阿布哈珠嚕輝特輝罕輝

羅徹木袞賽密呼烏克遜舒尔都卓特烏蕪占博

提斯博尔濟克烏實拉舒古蕪珠尔罕光嘉喇皆

封金源郡費摩圖克坦温都烏凌阿阿克占赫舍  
哩納喇富珠哩珠勒根納哈塔實嘉布希卦勒察  
阿達尼瑪蘭穆延納哈塔烏蘓烏紳拜格温都遜  
諾延色赫哩烏色哈薩喇納顏阿里巴尔坦尼沙  
富色里皆封廣平郡烏庫哩烏雅鈕祜祿通吉洪  
果延扎博和哩必喇幹哩都克達尼瑪哈托羅特  
赫舒沙達喇阿蘓薩察卓多穆納木都魯雅蘓貝  
額蘓哩愛紳納克古勒琿幹色索歡呼雅皆封隴

西郡黑號之姓唐古舊書作同古富察珠嘉蒙古伯蘇

鈕祜祿鄂屯錫默珠格愛滿都克塔哩摩年伊年

托諾蘇伯林皆封彭城郡今從百官志補載之

元制爵八等

正一品曰王從一品曰郡王正二品曰國公從二品

曰郡公正從三品曰郡侯正從四品曰郡伯正五品

曰縣子從五品曰縣男

百官志曰右勳爵若上柱國郡王國公時有除拜

卷六十二  
者餘則止於封贈用之

明封功臣爵五等

初封功臣因前代之制爵有五等曰公侯伯子男後  
子男革不封其有功封公侯伯者皆給誥券或世襲  
或不世襲各因其功之高下為等

明會典曰洪武十三年奏定公侯封號曰開國輔  
運推誠宣力武臣某公某侯食祿若干石世襲者  
曰世襲某公某侯食祿若干石追封者曰開國輔




運推誠宣力武臣某將軍某公某侯追封某王某

公謚某

功臣後加封公追封為王侯追封為公

檢校官

臣等謹按馬端臨考功臣後載檢校官考遼金元明四史百官志皆無之



欽定續文獻通考卷六十二